

SAKSPAPIR

Saksnr	Utval	Type	Dato
094/21	Formannskapet	PS	17.11.2021

Saksbehandlar	ArkivsakID
Berit Karin Rystad	21/1039

Kommunal kompensasjonsordning hausten 2021 - Covid 19

Vedlegg:

Statsbudsjett 2021- Tilskuddsbrev kommunal kompensasjonso(1459433)

Vedlegg - fordeling 4.kompensasjonsrunde(1459321)

veileder-for-kommuner-som-onsker-a-bruke-den-nasjonalt-notifiserte-ordningen-for-kommunal-kompensasjonsordning-til-lokale-virksomheter

Rådmannen sitt framlegg til vedtak:

Ordfører og varaordfører får fullmakt til å fordele midlane saman med Børge Bruntland i Industriutvikling Vest og Tobby S Tomassen i Osterøy Utvikling AS

Formannskapet - 094/21

FS - behandling:

AVRØYSTING:

Samrøystes vedteke

FS - vedtak:

Ordfører og varaordfører får fullmakt til å fordele midlane saman med Børge Bruntland i Industriutvikling Vest og Tobby S Tomassen i Osterøy Utvikling AS

Saksopplysningar:

Saksopplysningar:

Osterøy kommune har motteke statlege kompensasjonsmidlar til lokale verksemdar som er ramma av smitteverntiltak i kommunen. Ordninga er denne gong retta mot særleg utsatte verksemdar og kommunar. Fordelinga er særleg innretta mot kommunar som har reiseliv retta mot turistar utanfor EØS- området og mot kommunar med mest flytrafikk mot utlandet. Osterøy er ein del av Bergensregionen, og har difor motteke støtte, kr. 1 006 000,-. I tillegg har kommunen tidligare motteke 250.000,- som ikkje er fordelt. Totalt har kommunen 1 256 000,- til fordeling.

Kommunal og moderniseringsdepartementet (KMD) forventer at kommunen delar ut desse midlane til bedriftane utan unødvendig opphald for å betre situasjonen for bedrifter og deira tilsette, i tråd med føringene frå departementet i tilskotsbrevet som er lagt ved.

Målet med ordninga og tilskotet er å sette kommunane raskt i stand til å hjelpe med situasjonen for lokale verksemdar gjennom tildeling av kompensasjonstilskot. Tilskotet skal difor bidra til å halde oppe arbeidsplassar og viktig kompetanse i bedrifter som er avhengige av turisme frå land utanfor EØS-området, og difor framleis er ramma av pandemien.

Verksemder som var i vanskar per 31. desember 2019, ref Gruppeunntaksforordningen sin artikkel 2, paragraf 18, kan ikkje få støtte.

Kommunen kan ikkje dele ut midlar etter 31.12. 2021, og uteståande midlar skal betalast tilbake til KMD. Den notifikerte ordninga varer til og med 31.12.21.

Departementet vil informere kommunane om eventuelle endringar. Eventuell tilbakeføring av støtte, eller ubrukte midlar som følge av fråfall av tilsagn på eit seinare tidspunkt, skal også betalast tilbake til KMD.

Bakgrunn

Osterøy kommune skal fordele nye statlege kompensasjonsmidlar motteke frå Kommunal og moderniseringsdepartementet til lokale verksemder som er ramma av smitteverntiltak i kommunen.

Kommunen skal bruke midlane på lokale verksemder som er særleg hardt ramma av strenge smitteverntiltak. Dette gjeld særleg støtte som kompenserer lokale verksemder sine kostnader eller tap knytt til smitteverntiltak og nedstenging, støtte til verksemder innan reiselivs-, arrangements- og serveringsnæringene, og andre verksemder som av ulike årsaker fell utanfor generelle kompensasjonsordningar.

Kommunen har stor fridom til å tilpasse kva slags verksemder dei kan støtte avhengig av den lokale situasjonen. Verksemder som har søkt tidlegare på kompensasjonsordninga, men ikkje fått støtte eller fått avgrensa støtte, kan også søke. Tilskotet er knytt til regelverket «Notifisert ordning under Covid-19-rammeverket» (vedlegg til saka).

Støtta skal være med på å kompensere for omsetningssvikt, kostnader eller tap i perioden januar – november 2021.

Verksemdene søker støtte gjennom www.regionalforvaltning.no Ordninga heiter: Kommunal kompensasjonsordning for lokale bedrifter i høve til Covid-19, hausten 2021. Søknadsfrist er tysdag 30. november.

Vurdering

Grunna korte fristar og departementet sitt ynskje om at midlane skal tildelast utan unødig opphald vurderer rådmannen det slik at den einaste måten å sikre at verksemdene får støtte er å gi fullmakt til ei «Ad hoc» gruppe til å fordele midlane. Rådmannen foreslår å bruke same gruppe som ved sist tildeling av Covid 19 midlar. Gruppa består av ordførar, varaordførar, Børge Bruntland, Industriutvikling Vest og Bobby S Tomassen, Osterøy Utvikling AS.

Fristen for fordeling av midlane er satt til 31.12.21. Det er berre eit formannskapsmøte før fristen. Dette møtet er satt til 17.11.21. Slik rådmannen ser det er det ikkje mogleg å fordele midlane på anna måte viss verksemdene skal ha rimeleg frist for å søkje midlane. I tillegg må ein ha tid til å vurdere at søknadane er innafor kriteria som departementet har satt. I motsatt fall vil kommunen måtte betale midlane tilbake fordi vi ikkje klarar å halde fristen som er satt til 31.12.21. Fyrste formannskapsmøte etter fristfor å søkje (30.11.21) er satt til februar 2022.

Konklusjon

Rådmannen rår til at det vert sett ned ein komite som får fullmakt til å dele ut løyvinga frå departementet til verksemder i Osterøy kommune som er ramma av smitteverntiltak knytt til Covid-19. Det er eit krav frå departementet at midlane skal være delt ut før 31.12.21.

